

鄒齋叢書

第冊

解府讀書

卷十

盧氏禮記
解詁

費

念慈





禮記解詁序

余壯歲見朱子之言曰後漢諸儒說禮甚有功而於吾家子幹且獨舉其名意竊慕之攷後漢書本傳載其作禮記解詁而隋唐志皆云禮記注當由後人改易本名其卷則二十諸書略同後世無傳者余思就所見纂輯而服官少暇繼又奔馳道塗終於不果歲月空擲念之未嘗不內熱也武進臧生在東研求遺經志甚銳力甚勤慨然補余之闕日度不盈六十而所輯已哀然成卷錄以遺余余得之喜甚凡諸經之義疏史籍之所載無不掇拾卽眾家相傳文字音讀之異同罔有遺棄而所可見者乃不及十之一豈不甚可惜哉當日子幹與鄭

康成同事馬融今鄭氏三禮注毛詩箋得唐孔賈諸儒
爲之條疏而書大顯餘若周易尚書及尚書大傳雖已
散失而後人爲之掇拾其卷軸猶不甚約乃於子幹後
世至不能舉其書之名莫爲之後雖美不傳遭幸今有
在東其人以英敏之資乘精銳之力不爲則已爲則必
成余爲盧氏後人乃悠悠忽忽以迄於今而得安享其
成幸之甚愧亦甚焉夫子幹有功聖經一生言行無玷
大節炳炳著史策乃明人張璵輩輒妄爲軒輊黜其聖
廟從祀而改祀於鄉吾杭杭堇浦氏有請復從祀議在
集中其事不果上然公論自在天壤必有能繼請者豈
小子私以爲氏族光哉因讀此書而併附及之

乾隆丁酉十四年長至日范陽後人文昭拜手謹序

四庫全書

盧氏禮記解詁

武進臧庸輯

曲禮第一

釋文毛詩音義上馬融盧植鄭玄注三禮並大題在下案下放此今不具著

漢 盧氏 解詁

敖不可長

釋文長盧植馬融王肅並直良反

鸚鵡能言不離飛鳥猩猩能言不離禽獸

釋文禽獸盧本作走獸

三十曰壯有室

三十盛壯可以取女經有夫婦之長殤衰世之禮也

周禮疏十四

馬昭難王義

毋固獲

固獲取之爲其不廉也

正義

水潦降不獻魚鼈

不饒多也

正義約
盧義

君所無私諱

但爲公家諱不得爲私家諱也

通典一
百四

詩書不諱臨文不諱

詩書典籍教訓也臨文謂禮文也詩書執禮皆雅言

故不諱禮執文行事故言文也

同上

廟中不諱

不諱新君厭於祖禰也

同上

入門而問諱

鄰國之君猶吾君也

僕展軛效駕

軛車軛頭也

正義

釋文

續漢志二十九注

案

正義作軛

頭軛也

釋文作車軛頭軛也

疑誤今從劉昭所引

為其拜而菱拜

釋文菱盧本作蹲

國君不乘奇車

奇車不如御者之車也

正義

曲禮下第二

去國三世

世歲也萬物以歲為世

釋文

檀弓第三

周人牆置翬

牆載棺車箱也

後漢書三十九注

死而不弔者三畏厭溺

畏者兵刃所致也

通典八十三

師吾哭諸寢

有父道故於所寢哭之奔喪云哭師於廟門外

通典一百一

填池推柩而反之

釋文填池注音莫徹盧王竝如字

子游趨而就諸臣之位

喪賓後主人同在門東家臣賓後則近南也

正義

叔木有同母異父之昆弟死問於子游子游曰其大

功也

子游爲近是也

通典九十一

狄儀有同母異父之昆弟死問於子夏子夏曰我未之前聞也魯人則爲之齊衰

未聞有服也齊衰非也游夏不親問夫子是以疑也

禮家推之以爲當在小功以母親極於小功

同上

檀弓下第四

君之適長殯車三乘

遣車亦中從下

正義

夫入門右

正義禮本多將鄭注北面爲經文者非也古舊本及盧王禮亦無北面字

門以向堂爲正主人位在門東客位在門西

曲禮上正義

子顯以致命於穆公

古者名字相配顯當作鞬

鄭注

毋爲戎首不亦善乎又何反服之禮之有

戎兵也言人君待臣不以禮不舉兵爲行陳之首誅

之則善矣有何反服之有

通典九十九

舞斯愠愠斯戚

釋文愠斯戚此喜愠哀樂相對本或於此句上有舞斯愠句竝注皆衍文正義

廬本亦有舞斯愠句

其子戍請諡於君

君衛靈公也

通典一百四

請所以易其名者

無諡則當書名故易其名也

同上

虞而立尸有几筵卒哭而諱生事畢而鬼事始已既卒
哭宰夫執木鐸以命于宮曰舍故而諱新自寢門至于
庫門

喪朝夕奠尙生事之虞而立尸卒哭諱新是爲以生
道事之畢矣復以鬼道始事之也已者辭也一說生
事畢從生至死也鬼事始已者從死至卒哭也宰夫
於周禮爲下大夫小宰之副也大喪小喪掌小官之
戒令帥執事而理之大喪君也小官屬官也戒令卽
所謂舍故而諱新之屬振木鐸從寢門至庫門也寢
門之內新君所處庫門之內廟所在也

同上

王制第五

王制漢孝文皇帝令博士諸生所錄

正義曲禮正義釋文案

正義及釋文皆引爲王制令博士諸生作今從曲禮正義引定爲錄字

自天子達於庶人喪從死者祭從生者

從生者謂除服之後吉祭之時以子孫官祿祭其父

祖故云從生者若喪中之祭虞祔練祥仍從死者之

爵故小記云士祔於大夫則易牲又云其妻爲大夫

而卒而后其夫不爲大夫而祔於其妻則不易牲又

雜記云上大夫之虞也少牢卒哭成事祔皆大牢下

大夫之虞也牲牲卒哭成事祔皆少牢是喪中之祭

仍從死者之禮

正義

天子七廟

曾子問當七廟無虛主禮器天子七廟堂九尺王制

七廟皆據周言也

正義馬昭
難王義

三昭三穆

三昭三穆謂通文武若無文武親不過四

魏書一百
八之二盧

觀議

凡居民材必因天地寒煖燥濕

能寒者使居寒能暑者使居暑

正義

將出學小胥大胥小樂正簡不帥教者以告于大樂正

大常卿如大樂正丞如小樂正大子令如古大胥大

樂丞如古小胥

續漢志二十五注
作太子盧紹弓師據文選東都賦注

案大子舊本譌

引東觀漢
紀校正